



Broj: 07-04-15-42151-1/22
Sarajevo, 12.10.2022. godine

FEDERACIJA BOSNE I HERCEGOVINE
Federalno ministarstvo razvoja, poduzetništva i obrta
Ulica dr. Ante Starčevića bb
88000 Mostar

Predmet: Inicijativa, d o s t a v l j a s e

Ovim putem, Ministarstvo privrede Kantona Sarajevo podnosi Federalnom ministarstvu razvoja, poduzetništva i obrta sljedeću Inicijativu sa obrazloženjem.

Inicijativa: Redefinisanje djelatnosti, koje su u Popisu tradicionalnih i starih zanata u Uredbi o zaštiti tradicionalnih i starih obrta ("Službene novine Federacije BiH", broj 28/22), označene kao: "S/96.02 Frizerski i drugi tretmani za uljepšavanje: pranje, podšišivanje i šišanje kose, kao i brijanje i potkresivanje brade", u smislu njihovog jasnog i usko srodnog razdvajanja.

Obrazloženje: Zakon o obrtu i srodnim djelatnostima u Federaciji Bosne i Hercegovine objavljen je u "Službenim novinama Federacije BiH", broj 75/21 od 22.09.2021. godine, a stupio je na snagu dana 30.09.2021. godine. U članu 40. stav (2) ovog Zakona propisano je - da, u cilju očuvanja tradicionalnih i starih zanata i podsticanja interesa za njihovo obavljanje, Vlada Federacije BiH, vlade kantona i jedinice lokalne samouprave, u normativnim aktima koje donose, mogu propisati olakšice i planirati sredstva za finansiranje projekata iz ove oblasti. Dalje, na osnovu člana 40. stav (1) ovog Zakona, na prijedlog ministra Federalnog ministarstva razvoja, poduzetništva i obrta, Vlada Federacije BiH, na 310. sjednici održanoj dana 07.04.2022. godine, donijela je Uredbu o zaštiti tradicionalnih i starih obrta ("Službene novine Federacije BiH", broj 28/22), koja je stupila na snagu dana 14.04.2022. godine, a kojom Uredbom su propisani popis tradicionalnih i starih zanata i uslovi za njihovo obavljanje. Temeljem naprijed navedenog, Ministarstvo privrede Kantona Sarajevo pripremi je Prijedlog uredbe o dodjeli poticajnih sredstava za finansiranje/sufinansiranje projekata u cilju očuvanja tradicionalnih i starih zanata u Kantonu Sarajevo, kojom se uređuje pravni okvir za dodjelu budžetskih poticajnih sredstava za finansiranje/sufinansiranje projekata u cilju očuvanja tradicionalnih i starih zanata u Kantonu Sarajevo. Shodno prijedlogu Ministarstva privrede Kantona Sarajevo, a na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka) i člana 40. stav (2) Zakona o obrtu i srodnim djelatnostima u Federaciji Bosne i Hercegovine ("Službene novine Federacije BiH", broj 75/21), Vlada Kantona Sarajevo, na 95. sjednici održanoj dana 22.09.2022. godine, donijela je Uredbu o dodjeli poticajnih sredstava poticajnih sredstava za finansiranje/sufinansiranje projekata u cilju očuvanja tradicionalnih i starih zanata u Kantonu Sarajevo ("Službene novine Kantona Sarajevo", broj 38/22) (u daljnjem tekstu: Uredba). Temeljem odredbi člana 6. Uredbe, Ministarstvo privrede Kantona Sarajevo pripremi je Program utroška sredstava za finansiranje/sufinansiranje projekata u cilju očuvanja tradicionalnih i starih zanata u Kantonu Sarajevo za 2022. godinu (u daljnjem tekstu: Program). Program je sačinjen kao dokument kojim se programira finansiranje/sufinansiranje projekata u cilju očuvanja tradicionalnih i starih zanata u Kantonu Sarajevo, u skladu sa odredbama Uredbe. Program sadrži: pregled stanja u sektoru obrtništva, ukupno planirani iznos sredstava za finansiranje/sufinansiranje projekata u 2022. godini, popis tradicionalnih i starih



zanata koji su obuhvaćeni Programom, projekte koji su predmet finansiranja/sufinansiranja u Programu, maksimalni iznosi poticajnih sredstava projekata po vrstama projekata iz Programa, prihvatljive troškove u projektima, uslove i kriterije u postupku izbora korisnika sredstava, pojedinačni broj bodova u svakoj pojedinačnoj grupi iz kriterija, osnovnu strukturu projekta, isprave i drugu dokumentaciju koja se obavezno dostavlja u prijavi na javni poziv, obavezne elemente ugovora o realizaciji odobrenih sredstava i druge potrebne programske elemente. Shodno prijedlogu Ministarstva privrede Kantona Sarajevo, a na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka) i člana 6. stav (3) Uredbe o dodjeli poticajnih sredstava za finansiranje/sufinansiranje projekata u cilju očuvanja tradicionalnih i starih zanata u Kantonu Sarajevo ("Službene novine Kantona Sarajevo", broj 38/22), Vlada Kantona Sarajevo, na 241. vanrednoj sjednici održanoj dana 11.10.2022. godine, donijela je Odluku o usvajanju Programa utroška sredstava za finansiranje/sufinansiranje projekata u cilju očuvanja tradicionalnih i starih zanata u Kantonu Sarajevo za 2022. godinu, broj: 02-04-42289-1/22 od 11.10.2022. godine.

Sa tim u vezi, prilikom: pripreme prethodne analize pravnih rješenja u Uredbi o zaštiti tradicionalnih i starih obrta ("Službene novine Federacije BiH", broj 28/22), analize u procesu pripreme Uredbe o dodjeli poticajnih sredstava poticajnih sredstava za finansiranje/sufinansiranje projekata u cilju očuvanja tradicionalnih i starih zanata u Kantonu Sarajevo ("Službene novine Kantona Sarajevo", broj 38/22) i analize u procesu pripreme Programa utroška sredstava za finansiranje/sufinansiranje projekata u cilju očuvanja tradicionalnih i starih zanata u Kantonu Sarajevo za 2022. godinu od 11.10.2022. godine, Ministarstvo privrede Kantona Sarajevo je, na osnovu outputa ovih analiza, zaključilo - da je potrebno redefinisati djelatnosti, koje su u Popisu tradicionalnih i starih zanata u Uredbi o zaštiti tradicionalnih i starih obrta ("Službene novine Federacije BiH", broj 28/22), označene kao: "**S/96.02 Frizerski i drugi tretmani za uljepšavanje**: pranje, podšišivanje i šišanje kose, kao i brijanje i potkresivanje brade", u smislu njihovog jasnog i usko srodnog razdvajanja.

Dalje, napominjem Vam da, u vezi sa bilo kojim pitanjem i/ili dodatnoj saradnji po predmetnoj Inicijativi, Ministarstvo privrede Kantona Sarajevo stoji Vam na raspolaganju.

S poštovanjem,



Dostaviti:

1. Naslovu,
2. Evidencija i
3. a/a.